

Nunaqarfîit innaallagissamik imermillu pilersorneqarnerisa Namminersornerullutik Oqartussanit tiguneqarnerat pillugu Inatsisartut inatsisaat

§ 1. Nunaqarfîit innaallagissamik imermillu pilersorneqarnerannut akissussaaneq Namminersornerullutik Oqartussat kommuninit tiguvaat.

§ 2. Atuisut innaallagissamik, imermik kiammillu pisortanit pilersorneqarnerat Nukissiorfiit isumagisaraat.

§ 3. Kommunini atorfeqartut eqqarsaatigalugit ataatsimut isumaqatigiissutit, akissarsiatigut sulinermilu atugarisat pillugit aalajangersakkat naalakkersuisunit aalajangersarneqarsimasut akuerineqarsimasulluunniit, aamma ataasiakkaarluni akissarsiatigut sulinermilu atugarisat pillugit isumaqatigiissutit naapertorlugit pisinnaatitaaffiit pisussaataaffillu inatsisip atulernerani atuuttut Nukissiorfinnit tiguneqarput.

§ 4. Inatsisartut inatsisaat manna 1. januar 1998 atulerpoq.

Imm. 2. Peqatigitillugu nunaqarfinni innaallagissiorfinnik, imeqarfinnik tunisassiorfinnillu sanaartornermut tapiissutit pillugit inatsisartut ileqqoreqqusaat nr. 1, 24. oktober 1979-imeersoq, nunaqarfinni innaallagissiorfiit, imeqarfiit tunisassiorfillu pilersinneqarnissaannut tapiissutit pillugit Namminersornerullutik Oqartussat nalunaamtaat nr. 3, 18. marts 1981-imeersoq, nunaqarfinni innaallagissap sarfaanik pilersuineq pillugu inatsisartut inatsisaat nr. 10, 28. oktober 1985-imeersoq, aammalu nunaqarfinni innaallagissap sarfaanik pilersuinennut tapiisarneq pillugu Namminersornerullutik Oqartussat nalunaarutaat nr. 5, 5. marts 1986-imeersoq, atorunnaarput.

Imm. 3. Malittarisassat imm. 2-mi taaneqartut malillugit kommunit ileqqoreqqusaliaat atorunnaarput, taamaattoarli atuinermik killilersuinermit aalajangersakkat nutaanik taarserneqarnissamik atorunnaarnissamilluunniit tungaannut atuutiinnassallutik.

Imm. 4. Pilersitsinermit malittarisassani imm. 2-mi taaneqartuni atugassarititaasut sanaartukkanut inatsisip atuutilinnginnerani aallartinneqartunut atuupput.

Namminersornerullutik Oqartussat, ulloq 6. november 1997.

Jonathan Motzfeldt

/

Mikael Petersen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut